



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 423
e – mail: info@voda.ba

Broj: **UP-1/21-2-40-651-2/22**

Datum: **28.12.2022. god.**

«Agencija za vodno područje rijeke Save» Sarajevo rješavajući po službenom zahtjevu «Agencije za vodno područje rijeke Save» Sarajevo podnesenom putem „Sektora za upravljanje vodama” u predmetu izdavanja vodne saglasnosti na radove na rekonstrukciji savskog odbrambenog nasipa na području Srednje Posavine, na osnovu člana 114., a u vezi sa članom 109. stav (1) tačka 8. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), **donosi**

RJEŠENJE **o vodnoj saglasnosti**

1. Investitoru «Agenciji za vodno područje rijeke Save» Sarajevo daje se vodna saglasnost za aktivnost rekonstrukcije savskog odbrambenog nasipa na području Srednje Posavine, prema projektnoj dokumentaciji:
 - Glavni projekat: „Rekonstrukcija savskog odbrambenog nasipa na području Srednje Posavine na dionici km 31+315 - km 32+950, pored naselja Bazik, dužine cca 1,7 km”, urađen od strane „Spreča” d.d. Tuzla, avgust 2022. godine, po kome se planira rekonstrukcija zaštitnog vodoprivrednog objekta u cilju obezbjeđenja potrebnog zaštitnog nadvišenja i poboljšanja stepena zaštite od štetnog djelovanja voda.
2. Vodna saglasnost se donosi na osnovu utvrđenog činjeničnog stanja i dostavljenog Glavnog projekta iz tačke 1. dispozitiva ovog Rješenja, koji se ovjeren vraća podnosiocu zahtjeva na trajno čuvanje i čini sastavni dio ovog Rješenja.
3. Vodna saglasnost se daje pod slijedećim uslovima koje treba ispuniti u toku izvođenja radova:
 - 3.1. Radove na rekonstrukciji savskog odbrambenog nasipa izvesti u skladu sa ovjerenim Glavnim projektom iz tačke 1. Dispozitiva ovog rješenja.
 - 3.2. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
 - 3.3. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
 - 3.4. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.5. U okviru gradilišta riješiti prikupljanje i konačnu dispoziciju sanitarno-fekalnih otpadnih voda na način da se iste prikupe u vododržive posude/rezervoare i izvezu izvan zona izvođenja radova uz ugovor sa nadležnim komunalnim preduzećem.
 - 3.6. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda u skladu sa važećim propisima o postupanju sa otpadom.
 - 3.7. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem planiranih aktivnosti na terenu u skladu sa ovjerenim Glavnim projektom i uslovima iz ovog rješenja.
 - 3.8. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
 - 3.9. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi na izgradnji – produženju lijevog odbrambenog nasipa uz rijeku Bosnu, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.

- 3.10. Višak materijala iz iskopa koji će se pojaviti prilikom izvođenja zemljanih radova, a koji ne bude iskorišten za radove na rekonstrukciji odbrambenog nasipa, potrebno je odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
4. Korisnik vodne saglasnosti je dužan da riješi imovinsko pravne odnose na lokalitetu izvođenja radova, formiranja privremenih gradilišta, pristupnim putevima i prostorima koje će koristiti u toku izvođenja radova.
5. Uslov za početak izvođenja radova koji su obuhvaćeni ovom vodnom saglasnošću je pribavljanje pravosnažne građevinske dozvole.
6. Ukoliko se izvođenjem radova na rekonstrukciji odbrambenog nasipa ili drugim aktivnostima vezanim za predmetne radove prouzrokuju štete i naruši stabilnost korita, postojećih zaštitnih objekata i obala vodotoka ili nanese šteta trećim licima, izvođač je obavezan uzroke nastanka štetnih promjena otkloniti, a nastale štete nadoknaditi.
7. Po završenim radovima, potrebno je izvršiti ravnanje i uređenje korita, obala i pojasa u kome su vršeni radovi, te lokalitet očistiti od gradilišnih objekata, mehanizacije i gradilišnog otpada, a pristupne puteve koji su se koristili tokom gradnje dovesti u prvobitno stanje.
8. Ova vodna saglasnost prestaje da važi istekom roka od dvije godine od dana njenog izdavanja ukoliko do tog dana ne bude potpisan Ugovor i ne započne izvođenje predmetnih radova.
9. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor, «Agencija za vodno područje rijeke Save» Sarajevo putem „Sektora za upravljanje vodama“, je dostavio zahtjev 09.12.2022. godine za izdavanje vodne saglasnosti na usvojenu projektnu dokumentaciju za aktivnost rekonstrukcije savskog odbrambenog nasipa na području Srednje Posavine, u dužini oko 1700m'.

Uz zahtjev je dostavljena i na raspolaganju bila sljedeća dokumentacija:

- Kopija Rješenja o izmjenama podataka u sudskom registru Općinskog suda u Sarajevu, broj: 065-0-Reg-12-003767 od 28.11.2012. godine izdato od strane Općinskog suda u Sarajevu,
- Kopija uvjerenja o poreznoj registraciji, Porezna uprava FBiH - Kantonalni porezni ured Sarajevo, od 14.12.2012. godine,
- Kopija rješenja o prethodnoj vodnoj saglasnosti UP-1/21-1-40-539-4/22 od 01.11.2022. godine;
- Kopija rješenja o urbanističkoj saglasnosti broj: UP-03-19-451/22 od 24.11.2022. godine, izdato od strane Službe za pravne poslove, urbanizam i katastar, Općina Domaljevac-Šamac,
- Glavni projekat: „Rekonstrukcija savskog odbrambenog nasipa na području Srednje Posavine na dionici km 31+315 - km 32+950, pored naselja Bazik, dužine cca 1,7 km" urađen od strane „Spreča" d.d. Tuzla, avgust 2022. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je sljedeće:

Glavni projekat, iz tačke 1. dispozitiva ovog Rješenja, urađen je od strane ovlaštenog pravnog lica koje posjeduje ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH", broj 17/08 i 38/12).

Dostavljeni Glavni projekat je urađen u skladu sa osnovnim uslovima iz Rješenja za prethodnu vodnu saglasnost broj: UP-1/21-1-40-539-4/22 od 01.11.2022. Vodna saglasnost se donosi u skladu sa dostavljenom projektnom dokumentacijom, a prema uslovima iz prethodne vodne saglasnosti kako slijedi:

- Rekonstrukcija predmetnog nasipa predstavlja nastavak aktivnosti u cilju poboljšanja stepena zaštite od velikih voda te je planirano da se uradi mjestimično nadvišenje, odnosno da krana nasipa na cijeloj dužini bude u visini od 1,20 m u odnosu na nivo voda ranga pojave $Q_{1/100}$.
- Trasa rekonstruisanog nasipa treba da prati trasu postojećeg nasipa. Ukupna dužina nasipa koji je obuhvaćen ovom saglasnošću iznosi oko 1,7 km. Rekonstrukcija obuhvata proširenje tijela nasipa isključivo sa vodne strane kao i izvođenje dodatnog glinenog čepa ispod nožice nasipa.
- Hidrološke podloge su date kroz projektni zadatak, definsane Federalnim operativnim planom za predmetnu dionicu rijeke Save.

- Provedene su stabilitetne analize kosina nasipa za usvojeni normalni profil za stogodišnji vodostaj i različite vrijednosti koeficijenta pritisaka sa analizom kritične ravni sa minimalnim faktorom sigurnosti;
- Za potrebe izrade projekta dokumentacije urađene su geodetske podloge;
- Predviđeno je pošljunčavanje krune nasipa - kolovoza širine 4,0 m, ukupne debljine 30 cm, sa bankinama od 0,50 m.

Služba za pravne poslove, urbanizam i katastar općine Domaljevac-Šamac je dana 24.11.2022. godine izdala rješenje o urbanističkoj saglasnosti za ovu aktivnost, sa uslovima koje treba ispuniti u postupku pribavljanja građevinske dozvole.

Na osnovu utvrđenog činjeničnog stanja, a u cilju smanjenja negativnih uticaja predmetne aktivnosti na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).

Na osnovu odredbi člana 114. Zakona o vodama, upisivanjem broja i stavljanjem otiska pečata ove Agencije na Glavni projekat: „Rekonstrukcija savskog odbrambenog nasipa na području Srednje Posavine na dionici km 31+315 - km 32+950, pored naselja Bazik, dužine cca 1,7 km“ urađen od strane „Spreča“ d.d. Tuzla, avgust 2022. godine, data je vodna saglasnost na istu.

Uzimajući u obzir naprijed navedeno, konstatovano je da, shodno članu 12. stav (1) tačka 2. Zakona o vodama, ne postoje smetnje da se Investitoru - Sektoru za upravljanje vodama, AVP Sava, izda tražena vodna saglasnost uz uslove propisane u dispozitivu ovog rješenja.

Uputa o pravnom lijeku:

Protiv ovog rješenja može se uložiti posebna žalba Federalnom ministarstvu poljoprivrede, vodoprivrede i šumarstva Sarajevo u roku od 15 dana od dana prijema ovog rješenja.

Žalba se predaje Agenciji za vodno područje rijeke Save (ul. Hamdije Čemerlića 39.a Sarajevo), neposredno pismeno, usmeno na zapisnik ili preporučeno putem pošte. Žalba se taksira sa 15 KM federalnih taksi po Tar. br. 3. tarife federalnih administrativnih taksi.

Voditelj postupka:

Nihad Pezo, dipl.inž.građ.

Prilog:

Glavni projekat: „Rekonstrukcija savskog odbrambenog nasipa na području Srednje Posavine na dionici km 31+315 - km 32+950, pored naselja Bazik, dužine cca 1,7 km“ urađen od strane „Spreča“ d.d. Tuzla, avgust 2022. godine.

**Po ovlaštenju
Rukovodilac sektora za izdavanje
vodnih akata**



Haris Ališehović, dipl.inž.građ.

Dostaviti:

- «Agencija za vodno područje rijeke Save», Sektor 10 (Prilog);
- AVP Sava, ISV - vodna knjiga - ovdje;
- ⊖ Arhiva - ovdje;
- AVP Sava - Oglasna ploča